

鄭  
堂  
讀  
書  
記

鄭堂讀書記卷五十九

烏程周中孚撰

子部十之八

雜家類八

雜編

李氏樂書六種

明嘉靖中刊本

明李文察撰

文察仕履見禮類

四庫全書存目作二十

卷明史藝文志分載之

文察

於嘉靖十七年先進

呈四聖圖解樂記補說律呂新書補注興樂要論

四書故有前進奏疏前進表前進禮部覆題三篇

冠於四聖圖解之首又於嘉靖二十四年續進呈

古樂笙蹄青宮樂調二書故有後奏進疏一篇冠

於古樂笙蹄之前文察生平所學具見於古樂笙

蹄律呂新書補注興樂要論青宮樂調三書大旨

不出乎此樂記補說專為禮記之一篇而作可歸

禮類而四聖圖解無一字及於樂亦不過儒家之

書而已今就六種另為記錄而存其目於左

古樂笙蹄九卷 律呂新書補注一卷 青宮樂

調三卷 興樂要論三卷以上見經部樂類 樂記補說二

卷見經部 四聖圖解二卷見子部儒家類

樂律全書十二種附三種明鄭府初印本

明朱載堉撰按明史樂志言神宗時鄭世子載堉

著律呂精義律學新說樂舞全譜共若干卷具表  
進獻宣付史館以備稽考未及施行藝文志總作  
樂律全書四十卷 四庫全書著錄則作四十二  
卷所載凡書十一種惟律呂精義內外篇各十卷  
律學新說四卷鄉飲詩樂譜六卷皆有卷數其樂  
學新說算學新說操縵古樂譜六代小舞譜二佾  
綴兆圖靈星小舞譜旋宮合樂譜七種則皆不分  
卷與藝文志所載不符疑史誤也今是本自提要  
所載十一種外尙有小舞鄉樂譜一卷而所載不  
分卷之七種皆作一卷今依原書次序分記於經  
部而仍其總目分目於此又此本附刊三種 四

庫全書

天文算法類

著錄明史藝文志

歷數類

亦載之則

別記於子部又是本會爲陽湖孫淵如師所藏故前有孫氏伯淵一印舊史氏一印丁未對策上第一印鮑渌飲彙刻書目亦照此本載入則此本無再有闕佚矣

律呂精義內篇十卷四冊

律呂精義外篇十卷

二冊

律學新說四卷二冊

樂學新說一卷

算學新說一卷

共一冊

操縵古樂譜一卷一冊

旋宮合樂譜一卷一冊

鄉飲詩樂譜六卷二

冊

六代小舞譜一卷二冊

小舞鄉樂譜一卷

二脩綴兆圖一卷

共一冊

靈星小舞譜一卷

二冊 附聖壽萬年厯二卷 萬年厯備攷三卷

共一冊 律厯融通四卷音義一卷 共一冊 按冊數俱

版心所有故具詳之

天學初函理編九種器編十一種 明刊本

明李之藻編 之藻仕履見前有涼庵題詞云天學

者唐稱景教自貞觀九年入中國歷千載矣其學

刻苦□事絕財色意頗與俗情相齟要於知天事

天不詭六經之旨皇朝有利瑪竇者九萬里抱道

來賓重演斯義迄今又五十年多賢似續翻譯漸

廣顯自法象名理微及性命根宗義暢旨元得未

曾有顧其書散在四方願學者每以不能盡覩爲

憾茲爲叢諸舊刻臚作理器二編編各十種以公同志其曰初函蓋尙有唐譯多部散在釋氏藏中者未及檢入又近歲西來七千卷方在候旨將來問奇探賾尙有待云今按其書理編本九種而云十種者以所附唐大秦寺碑一篇其數之且舉成數也自職方外紀四庫全書著錄外餘俱存目器編本十一種而云十種者以測量異同一卷統於測量法義爲一卷也皆四庫全書著錄今旣以是二十種分記於各類而復依原編次第合誌於左方以備檢照

西學凡一卷

明艾儒略撰  
唐大秦寺碑一篇

疇人十篇二卷

交友論一卷 二十五言一卷 天主實義二

卷 辨學遺牘一卷 以上俱明利瑪竇撰 七克一卷 明龐迪我撰

撰 靈言蠡勺二卷 明畢方濟撰以上八種俱見子部雜家類 職方

外紀五卷 明艾儒略撰見史部地理類

以上理編

泰西水法六卷 明熊三拔撰見子部農家類 渾蓋通憲圖說

二卷 明李之藻撰 幾何原本六卷 西洋薩几里得撰利瑪竇口譯徐光

啟筆 表度說一卷 明熊三拔撰 天問略一卷 明西陽

瑪諾 簡平儀說一卷 明熊三拔撰 同文算指前編二

卷通編八卷 明李之藻撰利瑪竇之書也 圖容較義一卷 明李

之藻 測量法義一卷 附測量異同一卷 明徐光啟



撰句股義一卷同上以上十一種俱見子部天文算法類

以上器編

音學五書五種 原刊本

國朝顧炎武撰炎武初名絳字寧人號亭林崑山人四庫全書著

錄按自明陳季立以後始啟古音之門徑亭林得其端緒因卽廣韻一編旁通其說作音學五書凡三十八卷自謂詩易二經各爲之音以其經也故列於唐韻正之前學者讀之則必先唐韻正而次及詩易二書明乎其所以變而後三百五篇與卦爻彖象之文可讀也以上答李子德書前有自撰總序三篇答李子德因篤書一篇又有崇禎癸未曹能始

學仕序一篇題曰音學五書敘實卽詩本音敘以其作於明末故取以冠首而改其標題也余旣以五書各記於小學類韻書之屬而復總列其目於此

音論三卷 詩本音十卷 易音三卷 唐韻正

二十卷 古音表一卷

厯算全書二十九種 柏鄉魏氏兼濟堂刊本

國朝梅文鼎撰魏荔彤編 文鼎字定九號勿庵宣城人 荔彤字念庭柏

鄉人官至江蘇常鎮通海道 四庫全書著錄勿庵年二十七

卽有志步算之學距其卒且六十年積畢生之精力從事一藝旣專且久是以所造能究極精微而

無所不備其學由授時以溯三統四分以求諸家之術博攷九勢回回而歸於新法一一洞見本原深澈底蘊而又神明變化於三角八綫句股方程諸算事故著書滿家皆獨抒心得其論算之文務在顯明不辭勞拙往往以平易之語解極難之法以淺近之言達至深之理使讀其書者不待詳求而義可曉然誠以絕業難傳冀欲與斯世共明之故不憚反覆再三以導學者先路此其用心之善也凡其所著厯學者六十二種算學者書二十六種具詳其所著勿庵厯算書目中至念庭重編是書其已有刊本者仍俱采入其晚年諸稿約計三

十餘種內已成書而待刊者十之四稿略具而未

成書者十之六因延楊學山

作枚

爲之訂補疏剔

義之未明者闡之圖之未備者增之文之缺略者  
補之務使有倫有要首尾貫通其舊刻各種內有  
可類附者亦增入一二如弧三角舉要舊刻五卷  
今增爲六是也又勿庵言所未及而理數必不可  
缺者學山亦爲補綴如割圓八線之根一卷是也  
又如句股測量諸術厯家所重原稿零星散佚今  
增補爲四卷餘編亦多類此統計法原八種厯學  
十五種算學六種計共二十九種合爲一編該以  
總名前有雍正癸卯念庭序及凡例十則今一遵

四庫全書著錄次序分記於推步算書之屬而  
存其原目於左以便攷核至勿庵之孫穀成又以  
是編未善另編爲梅氏叢書輯要六十二卷共二  
十四種則月爲詳記云

平三角舉要五卷

卽三角法舉要

句股闡微四卷

弧

三角舉要五卷

環中黍尺五卷

塹堵測量二

卷 方圓冪積一卷

幾何補編五卷

解割圍

之根一卷 以上法原八種

割圍八線之表

續出

以上法數一種

厯學疑問三卷

厯學疑問補二卷

交會管見

一卷 交食蒙求三卷

揆日候星紀要一卷

歲周地度合攷一卷 冬至日攷一卷 諸方日  
軌高度表一卷 五星紀要一卷 火星本法一  
卷 七政細草補注一卷 二儀銘補注一卷  
厯學駢枝四卷 平立定三差解一卷 厯學答  
問一卷 以上厯學十五種  
古算演略一卷 筆算五卷 籌算七卷 度算  
釋例二卷 方程論六卷 少廣補遺一卷 以  
上算學六種

梅氏叢書輯要六十二卷 承學堂刊本

國朝梅文鼎撰其孫穀成編

穀成字玉汝宣城人康熙五十四年恩

貢進士授編修官至左都御史謚文穆

四庫全書存目作厯算叢

書勿庵殫精厯算五十餘年書非一種亦非一時

之筆李厚庵

光地

金鐵山

世揚

等校刻十餘種而

魏念庭

荔彤

所刻爲多名曰厯算全書玉汝惜其

校讎編次不善而名爲全書亦非實錄故另爲編  
次更以今名其卷次類皆通長編列每卷首標書  
之總名而分注細目於其下使展卷瞭然卽初學  
無難閱讀併以自作赤水遺珍操縵卮言各一卷  
附焉其凡例稱歲周地度合考係魏氏杜撰之名  
因將歲周考及里差考二書輯爲一卷遂撰爲合  
考之名甚爲舛謬今入雜著攷雜著卷內止有西  
國月日考及地度弧角二篇而無歲周考里差考

不知王汝何以云爾也凡例又稱火星本法七政  
前均簡法上三星軌跡成繞日圓象原係三書不  
可統攝乃魏氏本彙爲一卷而總名爲火星本法  
殊欠理會五星紀要一卷原名五星管見魏氏改  
爲紀要今仍用原名又解剖圖之根一卷係楊學  
山節略大測而爲之者也原非先人之書並去之  
又句股闡微四卷闡微之名係楊學山所撰其第  
一卷楊書也亦去之其第二卷至第四卷今編爲  
句股舉隅及幾何通解各一卷

大測書名係新法  
厯書中言剖圖之

書籌算原有七卷原自單行自應詳備今同筆算  
彙爲叢書則凡算學公理大法無庸兩書並存故



只纂存一卷其已詳筆算者並省之以免重複云云此皆其改編魏刻之大凡也凡例又稱各書自具首尾原可單行似不必拘序次但既輯爲一書前後須有條理如厯算並稱厯常居前者其事重也然不明算數則厯書不可得而讀故稱名仍以厯居算前而序書則以厯居算後也自一卷至四十卷皆算書至於算學必自乘除開方始故首筆算而以籌算度算次之少廣補遺又次之籌算度算者算法之別派而少廣補遺則開方之通法也既知乘除開方則方程句股可得而言矣故又次之幾何通解者句股之神妙也三角舉要者句股

之變通也故次於句股焉是皆測面之術也而方  
圓冪積及幾何補編則皆測體之學故又次於三  
角算學之用於人事者畢矣若夫弧三角及環中  
黍尺塹堵測量三者皆爲測天之用算也而通於  
厯矣故殿算書而爲厯書之先道焉至於厯書厯  
學駢枝爲授時厯法先人從學之權輿也故居首  
而以論說致用之書次之疑問及疑問補皆論說  
之書也交食七政揆日候星皆致用之書也若夫  
答問雜著則古今中西厯算之說互見錯陳不可  
類附故另爲卷而終焉據此知是編於魏氏原刊  
外寶月出手眼重爲編定皆讀梅氏書者不可少

之書也今以其編次異同各分注於每種之後而復存其書目於此以備考核前有乾隆辛巳自序及校閱助刻姓氏並存念庭原序於首云

筆算五卷

附

方田道法

古算器考

籌算二卷

度算釋例二卷

少廣補遺一卷

方程論六

卷 句股舉隅一卷 幾何通解一卷 平三角

舉要五卷 方圓冪積一卷 幾何補編四卷

弧三角舉要五卷 環中黍尺五卷 塹堵測量

二卷 厯學駢枝五卷 厯學疑問三卷 疑問

補二卷

交食四卷

一日食蒙求二日食蒙求附說三月食蒙求四交會管見

七政二卷

一細草補注二火星本法圖說

七政前均簡法上三星軌迹成繞日

象圖 五星管見一卷 揆日紀要一卷 恒星紀

要一卷 厯學答問一卷 雜著一卷 厯法通考

厯說 地度弧角 二儀銘補注 瑤璣玉 附  
衡賦 西國日月考 西國三十雜星考

赤水遺珍一卷 操縵卮言一卷

李文貞公全集二十五種附四種 原刊本

國朝李光地撰其孫清植編 光地仕履見口口類

侯雍正甲辰進士 厚庵著述各種當時多陸續付  
官至禮部侍郎

梓間有數種爲立侯所補刊因彙爲全集并以已

所著測噉存愚及其伯父世得 鍾倫 所著經書源

流三禮儀制帝王姓系歌訣附焉世得所著三種

刊於乾隆癸亥蘇景陽 紫丰 爲之序俱屬兔園冊

之最下者故不入志所有文貞各種及立侯一種皆分記於各類中而總存其目於此以便考核云爾

周易通論四卷 周易觀彖十二卷大指二卷以上二種俱見

尚書解義二卷 洪範說二卷以上二種俱見

詩所八卷見經部 朱子禮纂五卷見經部

孝經全注一卷見經部 大學古本說一卷

卷中庸章段說一卷中庸餘論一卷讀論語劄記

二卷讀孟子劄記二卷見經部 古樂經傳五卷

太極圖說注一卷通書注一卷西銘注

一卷按此三書俱朱子注厚庵但口校正而已附明道程子論定性書

一篇伊川程子顏子所好何學論一篇按此二篇附志

三書之內 注解正蒙二卷 二程遺書纂二卷外書

一卷 朱子語類纂五卷 榕村語錄三十卷以上

七種俱見子部 儒家家類 握奇經訂本一卷 見子部 兵家類 陰符

經注一卷 參同契章句一卷 以上二種俱見

離騷經注一卷九歌注一卷 見集部 楚詞類 韓子粹言

無卷 榕村全集四十卷 榕村別集五卷 以上三種

俱見集部 別集類 榕村講授 無卷 古文精藻二卷 以上

二種俱見集部 榕村制義四集 按此種無卷數止

以時文例不 志姑存其目 字畫辨訛一卷 按此卷止六頁兼

其 經書源流歌訣一卷 三禮儀制歌訣一卷

歷代姓系詞訣一卷 以上三種 泐受存愚二

卷

見經部四書類

楊氏全書三十六卷

水心草堂刊本

國朝楊名時撰其子應訥編

名時仕履見詩類應訥四品蔭生候選

部主凡八種凝齋生平著作未能及身刊行當

四庫館開兩江總督采進其經學各種俱從其家

藏稿本寫出至乾隆壬子其孫

敦原

懼其祖之遺

書鬱而不彰也謀付諸梓因以寫本全書畀同縣

葉

廷甲

付諸剞劂編校之役則武進臧東序

鐫

任

之又索其家藏稿本反復讐對質之師友而後定

顏曰楊氏全書以別易義隨記詩義記講二書爲

其門人所纂也冠以乾隆二年

御製碑文三年

諭祭文入賢良祠 諭祭文和碩履親王等祭

文賢良祠傳及癸丑王西泚鳴盛甲寅盧抱經文

昭二序并審校爵里姓氏後有葉廷甲跋余既遵

四庫全書著錄存目所有分記於各類而復存

其總目於左其爲 四庫全書所不載者亦依次

附入焉

易經劄記三卷見經部 易類 詩經劄記一卷見經部 詩類

四書劄記四卷見經部 四書類 經書言學指要一卷

見子部 儒家類 大學講義一卷 學庸講義二卷以上二種

俱見經部 四書類 程功錄四卷見子部 儒家類 文集十二卷

別集六卷附錄二卷見集部 別集類 按分志此種不可止稱文集今加楊文



鄭記五十九

定三字  
於上

陳司業集四種

乾隆甲申見華堂刊本

國朝陳祖范撰

祖范仕履見五經總義類

見復既舉南宮以足

疾不與

廷試退居水村山郭之間以著述自娛

尋主各處講席徒眾益盛後首膺經學之舉取其

所著書上呈

睿覽繕寫而藏之秘府而以原本

歸其家見復歿後其子

道元

爲之刊布流傳乾隆

甲申嚴

有禮

爲之序

道元

復識於總目之後并冠

以小像及贊其集凡四種既爲之分記於各類而

復存其目如左

經咫一卷

見經部五經總義類

掌錄二卷

見子部雜家類

文集

四卷 詩集四卷 以上俱見集部別集類

徐位山六種 志寧堂刊本

國朝徐文靖撰 文靖仕履見書類 雍正元年黃崑圃 叔琳

典試江南中式者皆一時名士位山與宜興任翼

聖 啟運 常熟陳見復 祖范 才尤高崑圃且曰他人

但以榜中有狀頭為意滿耳孰若余所得三人皆

不朽士哉其後乾隆十六年位山與見復並以經

學徵所著書皆范為詳定進呈 乙覽故此六種

俱有 御覽欽定四字印也今以其所著書分記

於各類中而存其目於左

經言拾遺十四卷 見經部易類 禹貢會箋十二卷 見經

部書類

竹書紀年統箋十二卷

見史部編年類

天下山

河兩戒考十四卷

見史部地理類

管城碩記三十卷

見

部雜家類

志寧堂稿一卷

見集部別集類

石倉世纂五種附二種

五畝園刊本

國朝曹錫黼編

錫黼字誕文號菽圃上海曹氏海人官太常寺

上海曹氏

讀書績學為松江一郡冠冕沈歸愚嘗稱曹氏昆

弟人比之劉孝綽三昆齊名詩品亦復相當蓋指

麓蒿及其弟春浦從弟巢南也三曹之從子濟寰

以名士為名臣詩歌雜文尤稱重當世諸家集本

自單行菽圃為巢南之孫因哀為一編以志世業

之所存間附載事跡更可補家譜所未及前有楊

陸榮王墓二序末有菽圃書後余既爲分記於別

集而存其原編卷第於此

道映堂詩集四卷

曹煜曾撰

放言居詩集六卷

曹炳曾撰

長嘯軒詩集六卷

曹煥曾撰

四馬齋詩集六卷

曹一

撰

附梯仙閣餘課一卷

陸一士繼室鳳池撰

拂珠樓偶

鈔二卷

一士女錫珪撰

四馬齋文集八卷

一士撰

重刻金石三例三種

棲霞郝氏重刻德州盧氏本

國朝盧見曾編

見曾字□□號雅雨山東德州人康熙六十年進士官至兩淮鹽運

使雅雨以時賢碑碣敘次失宜煩簡靡當蓋未嘗

於前人體製一爲省錄爾因彙刻潘倉崖金石例

王止仲墓銘舉例黃梨洲金石要例三書以行世

俾學者曉然於金石之文不異史家之發凡起例  
庶乎知所從事矣前有乾隆乙亥自序越五十七  
年嘉慶辛未其版久亡棲霞郝蘭皋懿行求得原  
刻初印本重付之梓並爲之序孝岡饒綺峰向榮  
亦爲之序余旣以三書依時代分記於詩文評類  
而復存其目於此以不沒其重刻之盛舉云

金石例十卷

元潘昂霄撰

墓銘舉例四卷

明王行撰

金

石三例一卷

國朝黃宗義撰

文道十書四種

乾隆甲戌刊本

國朝陳景雲撰

景雲字少彰長洲人

少章嘗從何義門

焯

遊

義門引爲老友而當世論兩人者亦無敢以顯晦

軒輊之也其於羣書釐正詳辨貫穿精密實可爲  
典籍之功臣後學之津筏當與義門讀書記並垂  
不朽矣顧其子和叔黃中刻其遺書僅得四種餘  
六種皆有錄無書僅注云續出學者不能無歉然  
爾余旣以此四種分記之而存其全目於此以俟  
異日求其備云前有乾隆甲戌雷翠庭錄序及沈  
椒園廷芳所作傳王次山峻所作墓誌銘文道少  
章之私謚也

通鑑胡注舉正一卷 綱目訂誤四卷以上二種俱見史部

編年類紀元要略二卷附補輯一卷補輯黃中撰見史部政書

類韓集點勘四卷見集部別集類羣經刊誤按傳作四卷墓

誌不兩漢舉正按傳及墓誌國志舉正按墓誌

四卷傳不載墨海金壺所收有無名氏三國志辨

誤三卷頗類少章所作然書名卷數俱不同未敢

決為陳讀書紀聞按傳及墓誌上下古今半多經

氏書也讀序稱是書上柳集點勘按傳及墓誌

世之略尤有補於化理云云柳集點勘墓誌俱

然則翠庭曾見過此書也墓誌俱作六卷

作四文選舉正按傳及墓誌俱注云續出

卷潛研堂全書十七種嘉定錢氏刻本月刻五種吳氏儀徵阮氏

分刊未刊十一種嘉定錢氏藏本

國朝錢大昕撰其子東塾編大昕仕履見別史類

之次國初以來諸儒或言道德或言經術或言史

學或言天學或言地理或言文字聲韻或言金石

詩文專精者固多兼擅者尙少惟竹汀能兼其成

著作之富不啻等身其書旣成卽刊入已陸續流布學仲因合其已刻月刻未刻者編爲全書已刻者板藏於家可以合印全帙也月刻者板存他姓無從彙聚一處也未刻者稿藏於家尙須編次校正方可付刻也余所讀過已刻十七種俱已分記姑存其總目於此以待異日補讀其所未見書焉前有阮雲臺師 國史儒林傳擬彙王述庵師所撰墓志銘并小像及贊

經

經典文字攷異三卷 唐石經攷異一卷 聲類

四卷

以上三種俱未刻



史

廿二史考異一百卷 三史拾遺五卷 諸史拾

遺四卷

以上三種俱見史部史評類

南北史雋一卷

宋刻唐

學士年表一卷 五代學士年表一卷 宋中興

學士年表一卷

以上三種月刻板存德清徐氏

元史氏族表三

卷

見史部別史類

元史藝文志四卷

見史部目錄類

四史朔

閏攷四卷

宋未刻按四史謂宋遼金元四史也

通鑑注辨正三卷

見史部編年類

洪文惠公年譜一卷

洪文敏公年譜

一卷 陸放翁年譜一卷 王伯厚年譜一卷

王弼州年譜一卷

以上五種俱見史部傳記類

天一閣碑目

二卷

宋未刻按潛研堂文集有天一閣碑目序當即是書

疑年錄四卷

另刻板存海鹽吳氏

見史部傳記類

吳興舊德錄四卷 先德

錄四卷

日記六十卷

以上三種俱未刻

金石文跋尾

六卷

續七卷

又續六卷

三續六卷

金石

文字目錄八卷

以上二種俱見史部目錄類

子

十駕齋養新錄二十卷

餘錄三卷

見子部雜家類

三

統術衍三卷

鈴一卷

見子部天文算法類

風俗通義逸

文二卷

未刻補盧抱經

按此種為孫頤谷志祖重加訂已刊入羣書拾補中

恒言錄十卷

另刻板存儀徵阮氏

集

文集五十卷

詩集十卷

續集十卷

以上二種俱見集部

別集

詞垣集四卷

未刻

屏守齋所編年譜五種

嘉慶丁卯刊本

國朝錢大昕撰竹汀史學推當時第一出其餘力  
補撰宋二洪及放翁厚齋與明之王弇州年譜亦  
俱簡而有法堪爲補撰古人年譜者之準繩竹汀  
歿後其門人李許齋廣芸得其遺藁刊於嘉興郡  
齋并爲之跋時許齋方官嘉興知府卽以其版畀  
錢氏後人云今已分記於史部傳記類而存其總  
目如左

洪文惠公年譜一卷

洪文敏公年譜一卷

陸

放翁先生年譜一卷

深寧先生年譜一卷

昇

州先生年譜一卷

通藝錄十九種附三種

讓堂刊本

國朝程瑤田撰

瑤田仕履  
元書類

讓堂以窮理盡性格物

致知之學發爲文章皆根極理要撥正邪僻無片  
言隻語踳駁十三經注疏貫穿於胸中又博披三  
代以來桓碑彝器篆籀分隸之書莫不考據精確  
而其歸皆折衷於六藝所著有通藝錄正編凡十  
九種附錄凡七種未成書凡三種嘉慶癸亥刻成  
自爲之序附錄止刻二種今與正編各種分記於  
各類仍照卷首之目存於左云

論學小記三卷

論學外篇二卷

以上二種俱見  
子部儒家類

宗法小記一卷 儀禮喪服文足徵記十卷

釋宮小記一卷 考工創物小記八卷 磬折古

義一卷 溝洫疆理小記一卷 以上六種俱見經部禮類 禹

貢三江考三卷 見經部書類 水地小記一卷 見史部地理類

解字小記四卷 見經部小學類 聲律小記一卷 見經部樂類

類 九穀考四卷 釋草小記二卷 俱見子部譜錄類

讀書求解一卷 見集部別集類 數度小記一卷 見子部天文算

法類 九勢碎事一卷 見史部目錄類 釋蟲小記一卷 見子

部譜類 修辭餘鈔 不分卷見集部別集類 附錄讓堂亦政

錄一卷 見集部別集類 樂器三事能言一卷 見經部樂類

琴音記原本 按琴音記定本已見聲律小記中以下俱有錄無書 濠上

吟 蓮飲集

藤笈編

非能編

按蓮飲集以下三種俱制舉文

未成書儀禮經注疑直

說文解字會極

古

今體詩

戴氏遺書十四種附一種

曲阜孔氏微波榭刊本

國朝戴震撰

震仕履見詩類

東原少從婺源江慎修

永游

講貫禮經制度名物及推步天象皆洞徹其原本

既乃研精漢儒傳注及方言說文諸書由聲音文

字以求訓詁由訓詁以尋義理實事求是不偏主

一家亦不過騁其辨以排擊前賢其在書局校定

各書皆官爲板行其所撰述則曲阜孔體生

繼涵

爲刊行之乾隆戊戌盧抱經

文昭

撰序顧棗厓

修

彙刻書目所列十五種後有策算一卷句股割圖  
記一書注云二種附算經十書行世蓋算經十書  
爲東原所校定孔氏合而刻之某厓亦載其目於  
九章音義下附策算一卷數術記遺後附句股割  
圖記余所得遺書則策算一卷仍在其中惟無句  
股割圖記考其記文卽刊入原象內惟無圖五十  
有五爲術四十有九耳今諸書已分記於各類仍  
依顧刻書目所列次序并繫於左

東原文集十卷

按臧在東鐫堂等復取是編重加  
增定另刊其本校此多三十一篇

少四篇故以臧刻著錄於集  
部別集類此本僅附見云

毛鄭詩攷正四卷

杲溪詩經補注二卷

以上二種俱  
見經部詩類

考工記圖

二卷見經部 孟子字義疏證三卷見經部 聲

韻考四卷 聲類表十卷以上二種俱見 原善

三卷見子部 原象一卷 續天文略二卷上中

上二種俱見 水地記一卷見史部 方言疏證

十三卷見經部 水經注三十五卷按是書無卷

百二十五篇 類刻四字因有孔序知是遺書內本 見史部地

理策算一卷見子部 句股割圓記一卷原

附屈原賦注七卷通釋二卷音義三卷版心無

刻四字 集部楚詞類

算經十書十種附二種 曲阜孔氏微波榭刊本

國朝孔繼涵編繼涵字體生曲阜人乾隆 按唐以



明算科取士限以年九章海島共三歲周髀五經  
算共一歲孫子五曹共一歲張邱建夏侯陽各一

歲綴術

祖沖之撰

四歲緝古三歲記遺三等數皆兼習

之試之日九章三條海島等七部各一條十通六

記遺三等數帖讀十得九爲第綴術七條

唐志云七條六

典云緝古三條

六典云四條

十通六記遺三等數帖讀

十得九爲第落經者雖通六不第是唐人爲經者

八綴術緝古不謂之經算經十書之名所由起也

五季伽離其科旣廢迨宋而綴術記遺三等數皆

亡佚嘉定戊申鮑

漸之

復錄得記遺於道藏中則

是十書中經亡其一而三等數不數焉體生得毛

氏汲古閣所藏宋元豐監本七種又假戴東原震  
所輯永樂大典中海島算五經算而十書備其九  
舊附一今附三而併梓之前有體生序曰其所刊  
書 武英殿聚珍版及浙省重刊本俱有之今分  
而記之仍存其目於左云

周髀算經二卷漢趙爽注 唐李淳風釋 音義一卷 宋

籍撰九章算術九卷魏劉徽注 唐李淳風補圖 音義

一卷宋李附策算一卷戴震海島算經一卷

魏劉徽撰孫子算經三卷 五曹算經五卷

夏侯陽算經三卷 張邱建算經三卷唐李淳

孝孫撰綴術齊祖冲之撰原闕 緝古算經一

細草鄭記五十九 三

卷

唐王孝通撰并注

數術記遺一卷

漢徐岳撰周甄鸞注

附句

股割圖記三卷

聃軒孔氏所著書六十卷

儀鄭堂刊本

國朝孔廣森撰

廣森仕履見禮類

聃軒幼負異稟長號多

聞於六經古文皆能修復其說經之文則大戴記

公羊傳其最著者也計其歿於乾隆丙午之冬年

止三十有六而所著書幾於滿家至嘉慶壬申其

弟靜吾

廣廉

補刻其書始竣合爲全帙冠以嘉慶

丁丑翁覃溪

方綱

總序余取其書隨類分記而存

其總目於此

公羊春秋經傳通義十一卷序一卷

見經部春秋類

大

戴禮記補注十三卷序錄一卷

見經部禮類

詩聲類

十二卷分例一卷

見經部小學類

禮學卮言六卷

見經部禮類

類經學卮言六卷

見經部五經總義類

少廣正負術內

外篇六卷

見子部天文算法類

駢體文三卷

見集部別集類

錢氏四種

擁萬樓刊本

國朝錢坫撰

坫仕履見四書類

十蘭爲學源

塘

之弟竹汀

可廬之族子家學淵源勤於撰述十經文字通正書十四卷說文解字斟詮十四卷新斟注地理志十六卷古器欵識攷四卷鏡銘集錄二卷久已陸續刊布至嘉慶壬戌復取其卷帙少者合刊爲錢氏四種余既依類分記而復存其總目如左以見

十蘭亦勇於著作者也

詩音表一卷

見經部小學類

車制攷一卷

見子部雜家類

爾

雅釋地四篇注一卷

見經部小學類

論語後錄五卷

見經

部四書類

清白士集四種

嘉慶庚申刊本

國朝梁玉繩撰

玉繩字曜北號諫庵錢唐人

諫庵爲薌林

詩正

之孫山舟

同書

之嗣子專心著述尤長於考證所

撰經史各種及詩文若干篇都爲一集別撰史記

志疑三十六卷以先單刻行世不列入也其書網

羅羣籍務求其是久爲士林推右集曰清白士者

淮南鴻烈解稱清白士不爲古今易意洪氏隸續

有清白士子清修愛古非若世之號爲士者遂取以名集集本六種爲三十一卷尙有未刻二種其已刻者已月記今皆存其目如左以俟其刻全而續記之

人表攷九卷

見史部傳記類

呂子校補二卷

見子部雜家類

元號略四卷補遺一卷

見史部

誌銘廣例三卷

未刻

管記七卷

見子部雜家類

蛻橐四卷

未刻

間經堂叢書十八種

承德孫氏刊本

國朝孫馮翼校刊

馮翼仕履見別史類

鳳卿雖寄籍瀋陽而

自少隨宦江左於陽湖孫淵如師爲從子親承淵如師指授善讀古書尤精警校輯錄諸子最夥皆

極謹嚴不涉於濫嘉慶四年先有佚子書三種之

刻謂新論典論皇覽也歙縣程讓堂瑤田宣城張

惺齋炯俱為之序久之合其所校刊諸書編為問

經堂叢書余既按部分記而存其總目於左

爾雅漢注三卷臧鏞堂微駁輯明堂考三卷孫

衍撰見經部禮類五經異義并駁一卷補遺一卷王復

見經部五類箴膏肓一卷起廢疾一卷發墨

守一卷俱王復輯見經部春秋類鄭志三卷補遺一卷王

輯見經部世本一卷孫馮翼輯見說文

正字二卷王石華孫馮翼同編神農本草經三

卷孫星衍孫馮翼同輯尸子一卷孫星衍輯見子部雜家

類

燕丹子一卷

孫馮翼輯  
子部小說家類

見

許慎淮南子

注一卷附淮南畢萬術一卷

孫馮翼輯  
子部雜家類

見

桓

子新論一卷

孫馮翼輯  
子部雜家類

見

典論一卷

孫馮翼輯  
見

子部雜家類

皇覽一卷

孫馮翼輯  
子部類書類

見

司馬彪莊

子注一卷考逸一卷

孫馮翼輯  
子部道家類

見



鄭堂讀書記卷五十九

鄭堂讀書記卷六十

烏程周中孚撰

子部十一之上

類書類一 魏至唐

皇覽一卷

問經堂叢書本

魏皇象等奉敕撰

國朝孫馮翼輯

馮翼仕履見別史類案

魏志文帝紀帝使諸儒撰集經傳隨類相從凡千

餘篇號曰皇覽魚豢魏略載皇象受詔撰皇覽使

象領祕書監象從延康元年始撰集數歲成藏於

祕府合四十餘部部有數十篇通合八百餘萬字

魏志楊俊傳注引

阮氏七錄作六百八十卷見隋志當是

原書卷數至隋已亡其七八故隋志止作一百二十卷繆卜等撰徵諸史記五帝本紀索隱繆卜當是繆襲之誤魏劉邵傳亦言邵受詔作皇覽玉海又以皇覽爲韋誕諸人撰蓋當時作者本非一人也至新舊唐志僅有何承天併合皇覽一百二十二卷徐爰并合皇覽八十四卷知繆氏舊著唐人已未及見後來無論矣其書采集五經羣書以類相從實爲類書之祖鳳卿所緝逸篇雖不審昔人所引是否繆著抑係何徐併合第其分篇可見者則有逸禮及冢墓記二篇余獨惜此書篇部眾多而徵引僅取二篇且義冢墓記見引十倍於逸禮

篇以致司馬貞索隱專謂記先代冢墓之處宜皇王之省覽蓋祇見裴駰集解惟引冢墓記中記語遂強成其說然則皇覽雖存於李唐而貞固未見本書也是本卷首有鳳卿序及攷證八條

聖賢羣輔錄一卷

說郛本

舊題晉陶潛撰

潛字淵明潯陽人官彭澤令入宋不仕

四庫全書

存目隋唐宋志及諸家書目俱不載蓋本附載淵明集中至元末陶九成刊入說郛始有單行本也一名四八目見北齊陽休之所作集序是書卽休之所增入梁昭明所編集原無此錄其爲晚出僞書決非淵明所撰明矣且所載孔子四友與集中

所稱不合而魯三桓鄭七穆晉六卿魏四友之類  
並列卷內與聖賢羣輔之目亦不相符此則作偽  
者之顯露敗闕矣顧宋公序校定陶集竟不知覺  
蓋其疏也漢魏叢書亦收入之

古今同姓名錄二卷

函海本

梁孝元皇帝撰唐陸善經續元葉森補

善經始末未詳森

泉州人以孝旌

四庫全書著錄金樓子著書篇及梁書

本紀書錄解題

小說家類

俱作一卷惟金樓子作同姓

同名錄蓋省文而誤衍一字也隋志

雜傳類

新舊唐

志

雜傳類

俱作同姓名錄一卷至讀書志通考俱作

同姓名錄三卷則又據陸氏續本載之其書世無

傳本惟見於永樂大典中爲葉氏所增補者於兩家所續所補皆標注分明尙不與原書相混今館臣卽據以錄出分爲二卷晁氏稱齊梁間士大夫之俗喜徵事以爲其學淺深之候梁武帝與沈約徵栗事是也類書之起當在其時故以此錄爲首今觀是書所錄同姓名人頗爲簡略兩家所續亦多舛誤萬不及後來余君房王廷燦汪龍莊諸家之備然類書之存於今者莫古於是編舊傳陶氏四八目似緣此書而作者也李雨村得 祕閣本詭言從書倉所得刊入函海并爲之序

錦帶書一卷

津逮祕書本

舊題梁蕭統撰

統字德施武帝太子也諡昭明

四庫全書存目

無書字書錄解題

時令通考類

俱同陳氏則云

梁元帝撰此事儷語在法帖中章草月儀之類也

攷之元帝紀及昭明太子傳俱不載未知誰作其

書每月作駢詞一章故坊刻昭明集題曰十二月

啟然其詞皆作山林隱逸語又無六朝唐人筆意

恐卽宋人通套箋札附會古人以增重也陳馬兩

家濫收及之過矣又案淮南子云錦帶者燦爛身

之富也實濟時之端助文之備也故取以名其書

原不必增一書字也毛

晉刊入祕書并爲之跋說

郭學津討原均收入之

編珠二卷補遺二卷續編珠二卷

嘉慶甲戌刊巾箱本

舊題隋杜公瞻撰其補遺及續則國朝高士奇

所作也

公瞻京兆人太業中官著作佐郎兼散騎常侍士奇仕履見紀事本末類

四庫全書著錄隋志新舊唐志崇文目讀書志書錄解題通攷俱不載宋志始載之作四卷焦氏經籍志作五卷蓋本宋志而誤爲五卷耳前有江村序稱曩直大內南書房奉命檢內庫書籍於廢紙堆中得隋著作佐郎杜公瞻編珠一冊原目凡四卷遺其半徧覓不得因手鈔之輒因原目補爲四卷又廣其類之未具者爲二卷其於著作撰述本末未知何如乃其書則不致以殘缺爲人所



棄矣今攷楊氏文淵閣書目張氏內閣書目俱不載及是書江村稱得自內庫殊不可信雖援引皆六朝以前舊籍而其中多犯隋諱尤爲可疑無論唐宋元明諸家俱未稱及之矣疑此書與所補所續均江村一手所撰并僞撰杜氏原序以實之爾其書以天地山川居處儀衛音樂七部爲原本以服玩珍寶繒絲酒膳黍稷菜蔬果實車馬舟楫九類爲補遺其續編又別分歲時人倫文學花木鳥獸魚蟲六部其補遺所引如原書例而續編間及唐事頗爲古雅殊高出他類書多矣前又有康熙癸酉徐健庵乾學序

北堂書鈔一百六十卷

明刊本

唐虞世南撰明陳禹謨補注

世南字伯施餘姚人官至銀青光祿大夫

弘文館學士諡文懿

禹謨字錫元一字抱中常熟人萬曆辛卯舉人官至四川按察司僉事

四庫全書著錄隋志

類雜家

載書鈔一百七十四卷

而無撰人及北堂二字當卽是書舊唐志始著伯

施名字作一百七十三卷新唐志始著北堂二字

卷數與舊志同崇文目讀書志通志通攷所載俱

同新志知隋志併目錄一卷數之也崇文目釋曰

闕未知所闕若何中興書目

玉海引

書錄解題宋志

俱作一百六十卷與今本同晁氏云世南仕隋爲

祕書郎時鈔經史百家之事以備用分八十部八

百一類北堂者省之後堂世南鈔書之所也存一

百二十卷

本通考引

據此知晁氏所見本已闕五十三

卷姑從隋唐諸志列其卷數耳而中興目以下何以又有一百六十卷之本豈晁氏所稱二十爲六十之譌歟此本爲錫元所校刊明史藝文志作補注北堂書鈔則又就原書而以已見補注者也錢遵王讀書敏求記三稱今行北堂書鈔爲陳抱中所刻攙亂增改惜無從訂正聞嘉禾收藏家有原書蒐訪十餘年而始得繕寫精妙繙閱之心目朗然唐人類書大都爲一已采用而作如白帖之類非若宋人取盈卷帙滿調詆欺殊不足援據也朱

竹垞曝書亭集

五十

稱大唐類要百六十卷反覆

觀之卽虞氏北堂書鈔也是編地部至泥沙石而  
畢度非完書今世所行者出陳錫元刪補至以貞  
觀後事及五代十國之書雜入其中盡失其舊類  
要傳寫雖多譌舛然大略出於原書未易得也今  
合兩家之說參之而原書陳氏書之優劣見矣顧  
嘉禾原本及大唐類要提要已稱不可得見所據者  
明刊本而已攷原書多摘錄字句而不盡注所出  
錫元間爲之增注俱各注一補字於下尙與原書  
不相混淆蓋原書本不如藝文類聚初學記之首  
尾完具況又遭錫元所竄改乎然所引究多古書

猶有資於攷證近有傳鈔本據張氏愛日精廬藏書志云從吳心葵藏舊鈔本影寫又稱此本係承興原本分甲乙丙丁戊己庚辛壬癸十冊前有郡齋讀書等四則所謂四則讀書志及劉賓客嘉話大唐新語三則并絳州碧落碑陳惟之書亦載其中十三字也下卽接一行云嘉靖丙午六月十二日五川居士在萬卷樓記此一行反列在大唐新語之前已屬凌亂無緒及細檢全帙似從明刊本鈔出而盡刪其所補各條間有異同反不若明刊本之尙有條理謂之原書未敢信以爲然也此本前有萬厯庚子校定自序及校補凡例訂定卷目

又有瞿

汝璣

校刻序

藝文類聚一百卷

明刊本

唐歐陽詢等奉敕撰

詢字信本潭州臨湘人仕隋爲太常博士武德中累擢給

事中貞觀初歷太子率更令弘文館學士封渤海縣男

四庫全書著錄崇

文目中興書目

見玉海引

讀書志書錄解題通攷宋志

俱載之新唐志注云令狐德棻袁朗趙弘智等同

修前有信本原序稱皇帝以爲前輩綴集各抒其

意流別文選專取其文皇覽徧略直書其事文義

旣殊尋檢難一爰詔撰其事且文棄其浮雜刪其

冗長金箱玉印比類相從其有事出於文者便不

破之爲事故事居其前文列於後俾夫覽者易爲

功作者資其用今觀是書凡分四十八門每門又各分子目其體例較他類書爲最善惜其所分門目尙未確當所隸事實亦少端緒誠不免王氏野客叢書彭氏文苑英華辨證所指摘然陳氏謂其所載詩文賦頌之屬多今世所無之文集知隋以前舊籍端藉此編得存其十一故明人諸家輯總集多從此采出焉中有蘇味道李嶠宋之問沈佺期詩則皆後人所竄入必非原書所有明矣

龍筋鳳髓判注四卷

湖海樓叢書本

唐張鷟撰明劉允鵬注

鷟字文成自號浮休子深州陸梁人調露初登進士

第授襄陽尉累官四門員外郎終於冀州長史允鵬本名繼先字敬虛武定人嘉靖辛酉舉人

四庫全書著錄攷張氏原書新唐志別集類讀書志

別集類書錄解題別集類通志別集類通志別集類通考別集類

類俱作十卷唐志通志俱無判字蓋省文爾晁氏

云文成辭意藻麗常入中制科此乃其書判也凡

一百首陳氏云唐以書判拔萃科選士此集凡百

題自省臺寺監百司下及州縣類事屬辭蓋待選

預備之具也案晁氏稱百首陳氏稱百題今本止

存五十題而有七十八首疑陳氏題字爲首字之

譌抑或原書不止百首故有十卷之數至晁氏時

已有闕佚但據其現存者數之也卽如陳氏稱下

及州縣而今本無一篇存者其明徵矣今本卷末



有句盾一題其判原缺又有左右衛將軍一題軍  
器監一題其判並見事文類聚非完篇也亦其明  
證然晁氏時尙有百首不知何時又佚去二十八  
首故舊本鈔傳止作二卷敬虛撰注始離爲四卷  
也敬虛以其書辭極藻綯又用事奧蹟往往不得  
其所出因檢涉百氏有所合亟系之句下積之久  
久遂成全帙序而刊之至萬厯乙酉渤海張延廷  
復序而重刊之長山劉一相亦爲之序而劉注舊  
刻本頗不易得近何其葵依王宗炎手錄仁和沈  
氏藏本輒復隨意更定益非劉氏之舊陳東爲春  
則以劉氏原注亦時有未安者因爲補苴逸文剪

落浮詞並從左右衛篇後移左右衛將軍軍器監  
二條附於卷末其餘亦多所訂正雖未還夫舊觀  
而有裨於學者焉書刊於嘉慶辛未自爲之跋張  
若雲以劉注雖勤采掇頗失冗煩專取文成原書  
刊入學埤討原而卷首仍冠以提要一篇則與刊  
本不相合矣

初學記三十卷

古香齋巾箱本

唐徐堅等奉敕撰

堅字元固湖州長城人官至右散騎常侍集賢院學士封東海

郡公

四庫全書著錄新唐志崇文目讀書志書錄

解題通考宋志俱載之晁氏云初張說類集事要  
以教諸王開元中詔堅與韋述余欽施敬本張烜

李銳孫季良分門撰次今觀是書凡分部二十三  
又分子目三百十有三每類分列敘事事對詩文  
爲次皆摘六經諸子百家之言而記之其敘事俱  
相連屬頗有條理采錄事對詩文亦頗不苟則較  
藝文類聚爲精核矣故宋紹興甲寅劉本序之曰  
開卷而上下千數百年之事皆在目前可用以駢  
四偶六協律諧呂爲今人之文以載古人之道眞  
學者之初基也此本卽宋刊改作巾箱小本殊勝  
於明大字刊本云

蒙求集注二卷

學津討原本

唐李翰撰宋徐子光注

翰贊皇人華之宗子天寶中擢進士第調衛尉府經歷

左補闕翰林學士大庾中病免客陽翟卒舊本作  
晉李瀚誤也子光始末未詳明刊本稱爲宋狀  
元

四庫全書著錄案李氏書崇文目讀書志書

錄解題通志宋志所載俱作三卷崇文目稱李瀚  
撰晁氏鄭氏稱唐李瀚撰俱誤加水旁陳氏稱唐  
李瀚撰宋志稱李翰撰崇文目及宋志雖不言何  
代而崇文目列於王殷範白廷翰之前新唐志雜  
家載王殷範續蒙求三卷宋志列於邱延翰劉綺  
白廷翰唐蒙求三卷莊李商隱之前則亦知非唐後人作也新唐志偶  
失載耳惟全唐詩誤爲唐末五代人而近時金元  
李作補注於例言中妄引王仲言揮麈後錄稱其  
人爲晉內相後仕契丹通顯云云以傳會其說不

知仕契丹者本名澣字曰新

取澣濯之義與翰澣不相應

附宋

史李濤傳其歷官始末與揮塵錄同而加詳又見

陶介立五代史補

三

雕本流傳或譌澣作瀚非有

兩人也若著是書之李翰其歷官事迹只見新舊

唐書李華及蕭穎士傳其作是書也華常序之以

爲可以不出戶而知天下華序雖佚然元遺山作

十七史蒙求序尙引其說

見遺山集

則其爲唐之李翰

而非石晉之李瀚明矣又按李濟翁資暇集中引

蘇武持節鄭眾不拜二句以爲余宗人翰作蒙求

云云其於朱博烏集一句既釋其誤且云職由蒙

求而復白家六帖注引云云知是書在白氏六帖

之前又明矣晁氏稱是書纂經傳善惡事實類者  
兩兩相比爲韻語取蒙卦童蒙求我之義名其書  
蓋以教學童云陳氏稱是書本無義例信手肆意  
雜襲成章取其韻語易於訓誦而已遂至舉世誦  
之以爲小學發蒙之首事有甚不可曉者余家諸  
子在襁褓未嘗令誦此也然此書爲童蒙之計有  
何不可而陳氏欲舉而廢之過矣惟其書寥寥無  
幾而諸家書目皆作三卷殊不可解是本首列正  
文內分上下二卷蓋後人錄之以當徐注之目錄  
也書錄解題載子光補注蒙求八卷宋志載有二  
本一作四卷一作八卷陳氏稱其以李翰蒙求句

爲之注本句之外兼及其人他事而是本僅二卷  
蓋後人所合併也惜其不依原書本句爲注而兼  
及他事未免傷於冗漫然援引究屬賅博多所糾  
正於初學尤大有裨益焉張若雲從 文瀾閣本  
寫出付梓而爲之跋冠以提要一篇

李氏蒙求補注六卷

今雨堂刊本

國朝金三俊撰

三俊字元李號源禮仁和人

元李以蒙求舊注

失傳因取而補注之其原文間有異同俱照正史  
引釋仍於標題本字下注明以便參核又以古人  
本傳連篇采注祇取一節就事摘錄雖盡斐然則  
皆縮爲小傳以見生平且於忠孝廉節諸大端雖

與本事無關皆据史傳一一著之以增景仰其或  
姦回酷暴者亦載其不克令終以符作者勸懲之  
旨其有正史不載他說無徵或本事不甚相符或  
前志相沿多舛者輒就已見所及加案數語用資  
攷訂以其篇帙繁富更析爲六卷仍依四聲起止  
云梁山舟同書序之極稱其事必追返其始文必  
據其詳史傳紀載必求其確犁然秩然無割裂增  
損之病無鈔綴錯簡之失閒有一二涉疑者寧闕  
焉此豈獨爲童蒙口耳之學抑亦博聞強識者所  
不廢也書成於乾隆癸卯自爲之序及例言并以  
正文列爲總目同時孫頤谷志祖又爲之序剖劘



既竣適得明萬厯初吳門顧氏重刊宋狀元徐子  
光注本因案補注之未詳及參異者摘錄十四條  
以爲攷證云

白孔六帖一百卷 明刊本

原本三十卷唐白居易撰續本亦十三卷宋孔傳  
撰其合爲一書而析成百卷不知何人據玉海所  
載則宋本已然矣 居易字樂天下邽人貞元十四  
年進士官至刑部尚書諡曰文

傳仕履  
見傳記類 四庫全書著錄新唐志載白氏經史

事類三十卷注云一名六帖崇文目讀書志書錄  
解題通考宋志俱作六帖三十卷從此無白氏經  
史事類之稱矣至世文續之遂稱後六帖卷數與

原書相同書錄解題通考宋志俱載之孔氏書在  
南宋初絕少傳本玉海始稱孔傳亦有六帖今合  
爲一書則南宋末方有合併之本矣程氏演繁露  
稱白樂天取凡書精語可備詞賦制文采用者各  
以門目類粹而總名其書爲六帖既不自釋所以  
名後人亦無辨偶閱唐制其時取士凡六科列其  
所試條件每一事名一帖其多者明經試至十帖  
而說文極於六帖白之書爲應科舉設則以帖爲  
名其取此矣原程氏之意殆謂樂天借取中帖之  
多以名其書期必中選耳非以此書爲帖經而設  
也是書仿北堂書鈔之例以天地事物分門類爲

鄭記六十

聲偶皆雜采典籍成帙而不載所出書名且所記時代亦多無次序蓋志在備詞藻之用非爲攷證羣書起見如賈孔撰經疏體也孔氏書亦仿原書爲之門類俱無改於其舊而紀載稍詳陵陽韓子蒼駒序之稱唐白居易攜摭諸書事提其要區分彙聚有益於世孔侯數試藝於有司輒不售退爲新書以倣白公之意自詩頌銘贊奇編秘錄窮採厯討纖芥不遺功用豈小哉則當時已與原書其相引重矣然自兩書合併以後世遂竟無單行本此本爲明人所刊以韓序標爲白孔六帖序甚可笑也

元和姓纂十卷

錄縣洪氏刊本

唐林寶撰

寶濟南人官朝議郎太常博士

四庫全書著錄作十

八卷唐會要新唐志

譜牒類

崇文曰

氏族類

書錄解題

譜牒類

通志

譜牒類

宋志

譜牒類

及其自序俱作十卷讀書

志

譜牒類

通考

譜牒類

俱作十一卷會要作王涯撰蓋以

涯作序致誤通志姓名上有李字則以當日並題

李吉甫林寶二名而傳寫誤也至晁氏增多一卷

而馬氏從之則不可解矣其書久佚尙散見於永

樂大典中今館臣卽據以錄出而以鄧氏古今姓

氏書辨證所引各條補其闕失分爲十八卷孫淵

如師與洪氏

瑩

復取鄭氏通志氏族略王氏姓氏

急就篇謝氏秘笈新書所引爲館本所遺者而增校之據林氏原序稱自皇族之外各依四聲韻類集每韻之內則以大姓爲首故仍以李姓置卷首分爲十卷且以復唐宋諸志之舊焉洪氏後序稱其中引世本族姓記三輔決錄以及百家譜英賢傳姓苑諸書多有不傳於今者賴其徵引尙可攷見至其載列唐人世系元元本本尤爲詳核唐藝文志譜牒類十七家三十九部一千六百一十七卷今均散佚漢晉以來譜系一家之學繫而不墜實賴此書之存云前又有淵如師序

歲華紀麗四卷

津逮秘書本

舊題唐韓鄂撰

考唐書宰相韓休之弟倩鄂乃倩之玄孫

四庫全書

存目新唐志

農家類

崇文目讀書志

農家類

書錄解題

時令類

通攷宋志

農家類

俱載之唐志崇文目俱作二

卷解題作七卷今案其書分四時各一卷則作二

卷七卷俱誤也然晁氏謂分四時十二月節序以

事實爲偶麗之句附著之陳氏亦謂采經子史傳

歲時類聚而以儷語間之兩家皆自見其書而言

之如是核之今本雖以歲時節候分門隸事而全

作儷句夾注故實其體例已大不相合況詞句拙

陋殊甚注亦割裂不成句其斷非韓氏所作甚明

且斷非晁陳所見本亦甚明至明胡

震亨

始刊入

秘冊函中故王文簡居易錄以爲卽

震亨偽造也

說郭唐宋叢書學津討原均收入之說郭本蓋亦  
明季人據胡刻補入耳是本又從說郭本刊入前  
有無名氏序及沈

士龍

胡

震亨  
二跋

鄭堂讀書記卷六十